

嘉靖夏津縣志

地 140.175

275

部三

1-2

天一閣藏明代方志選刊

夏津縣志

夏津縣志序

余往時讀書見顯孫氏所舉楚令尹子



文之已令尹必以舊政告新令尹而夫

子許其為忠竊獨以為此亦恒人之所

能而君子之細事以子張之賢過推慕

之乃歆擬之於仁雖夫子之不許而亦

以為忠蓋嘗所未喻也比余為令尹夏

津而知之矣始余至夏津其大者歆知

民之性以制寬猛之常物土之利以經

出入之法察俗之高以甚豐儉之中而

山川之理經界之限壤地之生風氣之

習貢賦之入莫之有徵至於道路之淫

來市井之集散官室之興壞溝涂之  
通塞所以盡人之情而極事之變曾吏  
於是土而施設有益於民與夫不善而  
遺後之患足以示勸戒而係人心之好  
惡者皆漫不可考蓋為之數月而茫然  
願以為簿書之煩密圖籍之散逸可以

樞括而推長老之觀記後生之傳聞可  
以訪詢而得於是散其神於按覈之詳  
易其心於巡略之數暇則出行原野次  
舍郊闕目之所接跡之所履而所以多  
歷而不嘗慮不遺乎其土之宜思不越  
乎其邑之制而心不惑乎其人之情乃

得以盡其愚而効其尺寸於職然未嘗不自歎其勞而惟恐其或失之也使前之人有以遺我則雖以余之拙且陋然既有所豫知而先待之於以制政之常節俗之中經土之法豈不尤為專心一力而可以蚤有成哉邑之有令其繼者固


未有窮而聰明才知之士加於余什伯者宜其衆也以其聰明才知而又得以先知豫待夏津之政則其所及於民何啻如余之拙陋勤苦而僅得之者哉夫面告之不可幾則真如筆之於書之為明且遠以余所以不揆歆者以遺來者


而庶幾乎令尹以舊政告新之忠也其  
時河中張歷田公方以使者之節開府  
臨清蓋威明之用而並文武之事進時  
中於庭而教之曰夏津雖小亦國之建  
邑也而記載缺然陋如之何因指授大  
義使歸而成之余既有意於令尹子

文之事而張公又教之使得有成遂  
退而與邑之學官及弟子員訂論  
志事而特以義例授張生翰弼使執  
簡而書焉志未就而張公擢去今三河  
次齋王公持節來代諸所施設視張  
公不替者有加焉所以寵異時中而教之

使有歲亦如張公也故余得以庚子歲  
之春三月成夏津志為二冊凡五卷以  
付梓人因述其所以脩矣之本心使覽  
者知時中之不肖非有二心之教則亦  
莫之能成也若夫志之凡例大以載已  
識之於目錄之右方四月朔日易時中

書





縣城之圖

城縣界

千佛寺

東嶽廟

三皇廟

教場

文廟  
敬亭  
儒學  
馬神廟  
太僕寺  
布政司  
關王廟  
城隍廟

龍神觀  
城隍廟

渡口驛

朱官屯

大方塔

大胡屯

小胡屯

北雙廟

朱官屯

潘澤園

西直隸清河縣界

南雙廟

管河廳

巡檢司

靈顯廟

杜樓園

小胡官屯

鄭保屯

曹官屯

朱官屯

黃官屯

小張屯

風雲壇

趙官屯



臺驛寺

香官屯

清平兩界

界縣

縣治之圖



縣學之圖

四

舍 號

舍號

公聖啓

廟師先

四

祠官名

門 戟

門星柱

祠賢鄉

簿河

宅簿主

房書西

宅鼎

堂

堂

廳史典

庫堂愛

吏解

吏麻

刑工

房馬

門角

門

監先


監

監

監

監

監



夏津縣志目錄

上卷

地理志

食貨志

官師志

公署志

學校志

選舉志

惠政志

祀典志

脩武志

下卷

名宦志

人物志

災異志

藝文志

雜志

易子時中曰夫志爲邑而作邑爲地而建也匪地  
罔邑匪邑罔志故志邑者必首地理焉地必有所  
產財貨出賦後興焉故受之以食貨貨聚而不治  
則爭公署官之所居也故受之以官師而繼之以  
公署既治而不教則愚選舉教之所成也故受之  
以學校而繼之以選舉治民之政多矣惠政其先  
焉教民之典詳矣祀典其重焉故受之以惠政而

上目錄 二

繼之以祀典有文教必有武備安不可以忘危也  
故受之以脩武數者之政舉而宦蹟彰則爲名宦  
數者之化行而人材出則爲人物故受之以名宦  
受之以人物氣數人事之不齊災異生焉受之以  
災異有一邑之故實必有一邑之精華受之以藝  
文故實之非其大且要者可以別紀而不可以無  
紀故受之以雜志終焉

夏津縣志卷之一

地理志

志地理何自古辨方正位體國經野四万之志掌  
之外史後世郡國載在圖經是故察分星詳建置  
辨疆域形勝表其大觀風俗陳其美惡城池摹其  
高深堤河以窮源委橋梁以紀廢興鄉圖以別里  
屯坊市以表宅以列化居終焉志地理

星土

禹貢兗州之域天文虛危之次

時中曰按夏津舊志及東昌府志分註皆冀州之  
域天文昴畢分野考之前史兩漢晉南宋隋皆屬  
冀州部恩縣武城皆趙平原君封邑地戰國時昞  
子守高唐趙人不敢東漁於河疑即高唐之馬頰  
河則夏津當爲趙地而高唐之西界也舊志之云  
未爲無據及考禹貢冀州既載壺口治梁及岐既  
脩太原至于岳陽覃懷底績至于衡漳凡此未有

爲山東州縣者歷代地理指掌圖曰古兗今北京

即大滑濮濟鄆恩德博濱棣滄分乾寧永靜之地

則夏津固在恩博之間也山東通志曰女虛危在

子齊分野註兗州之域東昌府爲聊城爲堂邑爲

莘爲茌平爲博平爲清平爲高唐爲恩爲夏津爲

武城其圖星漢玄枵之次配以山河趙實與焉諸

所考據甚詳而其分配甚精則於天文固當虛危

之次也蓋戰國屬趙漢以後屬冀者歷代沿革之

異而實古兗之地分星之在天者則自天地定位

始要不以沿革而隨以異也或曰大明一統志以

東昌爲危室分野而子不言室何也曰室衛分東

昌之南而夏津則東昌之北也彼以一郡言此以

一邑言故不同耳嗟乎星學失傳天道茫昧自保

章氏以還諸儒爭喙惟僧一行兩戒之說爲近而

所入度數諸有不同時中何人而敢知哉惟敬天

勤民者攷焉

建置

唐虞夏商周屬兗州之域

春秋戰國為趙齊晉會盟之要津

秦屬鉅鹿郡地

西漢始為清河郡之鄒縣

東漢復曰鄒屬清河國先王莽改鄒曰善陸后光武誅莽始復舊名

晉因之

南北朝元魏亦曰鄒屬南清河郡元魏有東南二清河郡鄒時屬南清河故云

同上 三

隋初廢開皇十六年復置鄒屬清河郡又別置夏津

屬貝州大業初廢夏津入清河縣

唐初屬貝州天寶元年改鄒曰夏津屬清河郡

五代漢割屬大名府

宋金因之

元初屬東平路至元七年改屬高唐州

國朝因之編戶三十里後增為三十一里

疆域